

# دل نالانشهن

دل نالانشهن، دل نالانشهن  
هام سهران جه دهر د دل نالانشهن

زويريش جه تاو، خيالانشهن  
ئارزووی ته واف، عهدالانشهن

جه دووری یاران، بی قراریمهن  
واوه یلاوو حه شر، شین و زاریمهن

ئاره زوو که ردهن، چون قه ډیم سالان  
بشوون پهی ته واف، بارگهی عهدالان

به دلهی غه مناک، ناموراده وه  
به دهر وون غه مبار، خه م به باره وه

فه سلی گولگه شتهن، واده ی گولانهن  
عه ترشان ده وای، دهر دی دلانهن

ئيمه و دل ههردوو، به زاری و لالان  
با بشمی وه سهیر بارگهی عه و دالان

پهی دیدارشان، گهرمی تاسه مهن  
سه ر زه مین گرتهن، دووی هه ناسه مهن

پیر رۆسته م ویران کهس نیهن تیشدا  
ویرانش مه دۆ جه رگم به نیشدا

شه و بووش نیلی پووش، خه مگین دیاره ن  
چنوورش په شیو، چون زولفی یاره ن

سه ر به رزان، هه ردان، عه و دالان تاره ن  
سه یرش پهی یاران چون ژه هر ماره ن

با به دعای خه یر یاران که رمی شاد  
خاسی عه و دالان با وه رمی وه یاد

هه ر هفت عه و دالان بگیرمی دامان  
به لکم بیوان یاران وه لامان

يا حهفت عهودالآن دل پاكي دل ساف  
نامتان مهشورهن، جه قاف تا به قاف

ساكنانى غار، كوئى بهرزو بولهند  
دوعا مهقبولان، بارگهئى خوڏاوهند

وه بهرزى ئه و كو ، بهرز بو پايهتان  
به دايم پهيمان مهنو سايهتان

صهيدى شهرتش بو چون وه فاداران  
بهيو پهي تهواف بارگهئى عهودالآن

صهيدى هورامى

---

©hawram.5u.com/E\_BOOKs